

上宁宗皇帝諫北伐书

宋嘉定十年

赐进士及第第一有传 华岳

旬月以来，都城士民徬徨四顾若将丧其室家，诸君妻子隐哭含悲若将驱之水火鬬鬪，籍籍欲语复噤骇于传闻莫晓所谓，臣徐考之，则侍卫之兵日月潜发，枢机之递星火并驰，戎作之役倍于平时，邮置之程兼于畴昔，乃知陛下将有事于北征也，侂胄以后族之亲位居极品，专权执柄公取贿赂畜养无籍，吏仆委以心腹，卖名器私爵赏睥睨神器窥觐宗社，日益炎炎不敢嚮迳，此外患之居吾腹心者也，朝臣有以庸琐之资请姻师旦骤入政府者，有以諛佞之资附阿侂胄致身显贵者，陈自强老不知耻贪不知耻私植党与阴结门第，凡见诸行事惟知侂胄不知君父，此外患之居吾股肱者也。爽奕汝翼诸李之贪懦无谋倪僎倬杲诸郭之膏粱无用诸吴之恃宠专僭，诸彭之庸孱不肖，皇甫斌魏文谅毛致通秦世辅之彫瘵军心疮痍士气，以致陈孝庆夏兴祖商荣田俊迈之徒皆以一卒之才各得把麾专制，平日剜膏刻血苞苴侂胄，以致通显饥寒之士咸愿食其肉而不可得，万一陛下付以大事，彼之首领自不可保，奚暇为陛下计哉，此外患之居吾爪牙者也，程松之纳妾求知或以售姊入府或以献妻入阁，鲁谊之贡子为郎富宫之庸弩充位，此外患之居吾耳目者也，苏师旦以秽吏冒节钺牙僧名爵，周筠以隶卒冒戎铃市易将相，此外患之扼吾咽喉者也，彼之所谓外患者实未足忧，而此之外患盖已周吾一身之间矣，礼乐征伐自天子出所贵乎，中国者皆听命于陛下也，与夺之命黜陟之权又不出于陛下，而出于侂胄是吾有二中国也，命又不出于侂胄而出苏师旦周筠是吾有三中国也，女直以区区之地犹能逼我淮汉，曾谓外患之居吾腹心股肱耳目爪牙及吾咽喉，而不凭陵吾之宗庙社稷乎，曾谓一家之中自为秦越，一舟之中自为敌国而能制远人乎，比年军皆掊克而士卒自仇其将佐民皆侵渔，而百姓自畔其守令家自为战，此又启吾中国亿万之仇敌，而欲空国之师竭国之财，而与远人相从于血刃相涂之地顾不外用其心

欵，臣尝推演兵书，自去岁上元甲子五福太初一，度吴分四神直符，对临荆楚始击蜚符旁，临瓯粤青门直使交次于幽翼，黑杀黄道正按于燕赵，考之成法主算最长客算最短，兵以先发为客后发为主，自太岁乙丑至庚午六年之间皆不利于先举，傥其畔盟犯义扰我疆场，至于事不获已然后应之则反主为客，犹曰，庶几万一国家首事倡谋，则将帅内睽士卒外畔，肝脑万民血刃千里此天数之不利于先举也，矧将帅庸愚军民怨怼，马政不讲，骑士不熟，豪杰不出，英雄不收，馈粮不丰，形便不固，山寨不修，保垒不设，吾虽带甲百万馈饷千里而师出无功不战自败，此人事之不利于先举也，臣愿陛下除吾一身之外患，吾中国之外患既除，然后公道开明，正人登用，法令自行，纲纪自正，豪杰自归，英雄自附，侵疆自远，中原自复天下自底于和平，四海自跻于仁寿，何俟乎兵革哉，不然则乱臣贼子毁冕裂冠哦，九锡隆恩之诗恃贵不可伴之，相私妾内姬阴臣将相鱼肉军士，涂炭生灵，坠百世之远图，亏十庙之遗业，陛下如此虽不欲与之偕亡，则祸迫于身，权出于人，俛首待终何脐可噬，事之未然，难以取信，原以身属之廷尉，待其军行用师劳远奏凯，则梟臣之首，风递四方以为天下欺君罔上者之戒，倘或干戈相寻，败亡相继，强敌外攻，奸臣内畔，与臣所言诚相符契，然后令臣归老田里永为不齿之民。

贵池秋晚

华岳

暮色千林薄，秋空万里长；
寒蝉鸣晚树，归棹发斜阳；
永远天同碧，凤高叶脱黄；
星星老蓬鬓，不觉到潘郎。

游齐山

华岳

寺觉重游好，僧期后会賒；
青虫雕病叶，白鸟篆平沙；
水瘦石生齿，山寒梅未花；
功名应有待，且谒惠公茶。